

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

子部
第二五九冊



魯新登字 07 號

責任編輯：孫言誠 賀 偉

ISBN 7-5333-0478-0



2007/6/10

四庫全書存目叢書·子部二五九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 48.375 印張

1995 年 9 月第 1 版 1995 年 9 月第 1 次印刷

印數 1-100

ISBN 7-5333-0478-0

Z·27 子部定價：78300 圓

子部第二五九冊目次

子部·道家類

梅仙觀記一卷

〔宋〕楊智遠輯

涵芬樓影印明正統刻道藏本

一

延壽第一紳言一卷

〔宋〕愚谷老人撰

江西省圖書館藏涵芬樓影印清道光十一年六安晁氏木活字學海類編本

一五

金丹正理大全玄學正宗二卷

〔宋〕俞琰撰

中國科學院圖書館藏明嘉靖十七年周藩刻金丹正理大全本

二一

爐火監戒錄一卷

〔宋〕俞琰撰

江西省圖書館藏涵芬樓影印清道光十一年六安晁氏木活字學海類編本

五一

西嶽華山誌一卷

〔金〕王處一撰

涵芬樓影印明正統刻道藏本

六一

海瓊傳道集一卷

〔宋〕洪知常輯

中國科學院圖書館藏明天啓四年刻崇禎十五年補修一化元宗本

七六

攝生消息論一卷

〔元〕邱處機撰

江西省圖書館藏涵芬樓影印清道光十一年六安晁氏木活字學海類編本

八七

清庵先生中和集前集三卷后集三卷附道德會元一卷

〔元〕李道純撰 蔡志頤輯

北京大學圖書館藏明弘治十年許孟仁刻本

九五

三元延壽參贊書五卷

〔元〕李鵬飛輯

涵芬樓影印明正統刻道藏本

一七三

金丹正理大全金丹大要十卷

〔元〕陳致虛撰

復旦大學圖書館藏明嘉靖十七年周藩刻金丹正理大本

二二一

清微仙譜一卷道迹靈仙記一卷上清後聖道君列紀一卷

不著撰者

涵芬樓影印明正統刻道藏本

三五〇

洞玄靈寶三師記一卷

〔唐〕劉處靜撰

涵芬樓影印明正統刻道藏本

三七四

終南山祖庭仙真內傳三卷〔原缺卷下〕

〔元〕李道謙輯

北京圖書館藏清鈔本

三八〇

終南山說經臺歷代真仙碑記一卷

〔元〕朱象先輯

北京圖書館藏清鈔本

四〇三

甘水仙源錄十卷

〔元〕李道謙輯

上海圖書館藏清鈔本

四一四

玄品錄五卷

〔元〕張雨撰

涵芬樓影印明正統刻道藏本

五四九

徐仙翰藻十四卷

〔元〕陳夢根輯

涵芬樓影印明萬曆刻續道藏本

六一五

贊靈集四卷

〔元〕□□輯

涵芬樓影印明萬曆刻續道藏本

七三六

御製周顥僊人傳一卷

〔明〕太祖朱元璋撰

涵芬樓影印明萬曆刻紀錄彙編本

七六三

梅仙觀記一卷

〔宋〕楊智遠輯

涵芬樓影印明正統刻道藏本

附《四庫全書總目·梅仙觀記

一卷》提要

梅仙觀記

梅仙觀記

梅仙事實

仙壇觀道士楊智遠編

鞠二

昔梅仙君河南壽春府人名福字子真乃西漢成帝時受命洪州南昌縣尉居官清節志厭浮華每以恤民為念未嘗加鞭朴於民時值王莽作亂僭竊神器王鳳專政浸盛災異數見群下莫不言禍不忍天下生靈坐於塗炭乃奮忠義之氣上災異書以陳治亂書曰臣聞箕子佯狂於商而為周陳洪範叔孫通遁秦歸漢制作儀品夫叔孫先非不忠也箕子非疏其家而畔其親也不可與言也昔高祖納善如不及從諫若轉圜聽言不求其能舉功不考其素陳平起於亡命而為謀主韓信拔於行陳而建上將故天下之士雲合歸漢爭進奇異知者竭其策盡其慮勇士極其節怯夫勉其死合天下之知并天下之威是以舉秦如鴻毛取楚如拾遺此高祖所以無敵於天下也孝文皇帝起於代谷非有周召之師伊呂之佐也循高祖之法加以恭儉

當此之時天下幾乎繇是言之循高祖之法則治不循則亂何者秦為無道削仲尼之跡滅周公之軌壞井田除五等禮廢樂崩王道不通故欲行王道者莫能致其功也武帝好忠諫說至言出爵不待察茂受湯下須臾是以天下布衣各屬志竭精以赴闕庭自衛鬻者不可勝數漢家得賢於此為盛使武帝聽用其計昇平可致於是積尸暴骨快心胡越故淮南王安緣間而起所以計慮不成而謀議泄者以眾賢聚於本朝故其大臣勢陵不敢和從也方今布衣逋絕國家之隙見聞而起者蜀郡是也及山陽亡徒蘇令之羣蹈名都大郡求黨與索隨和而無逃匿之意此皆輕量大臣亡所畏忌國家之權輕故匹夫欲與上爭衡也士者國之重器得士則重失士則輕詩云濟濟多士文王以寧廟堂之議非草茅所當言也臣誠恐身塗草野尸并卒伍故數上書求見報罷臣聞齊桓之時有以九九見者桓公不逆欲以致大也今臣所言非特九九也陛下距臣者三矣此天下士

所以不至也昔秦武王好力任鄙叩關自繻繆公行伯由余歸德今欲致天下之士民有上書求見者輒使詣尚書問其所言言可采取者秩以斗升之祿賜以一束之帛若此則天下之士發憤懣吐忠言嘉謀日聞於天下條貫國家未稟燦然可觀矣夫以四海之廣士民之數能言之類至衆多也然其俊傑指世陳政言成文章質之先聖而不謬施之當世合時務若此者亦無幾人故爵祿束帛皆天下之砥石高祖所以偶世磨鈍也孔子曰工欲善其事必先利其器至秦則不然張誹謗之網以為漢歐除倒持太阿授楚其柄故誠能勿失其柄天下雖有不順莫敢觸其鋒此武帝所以辟地建功為漢世宗也今不循伯者之道逋欲以三代選舉之法取當世之士猶察伯樂之圖求麒麟於市而不可得亦以明矣故高祖棄陳平之過而獲其謀晉太公召天王齊桓用其讎無益於時不顧逆順此所謂伯道者也一色成體謂之醇黑白雜合謂之駁欲以承平之法治暴秦之緒猶

以鄉飲酒之禮理軍市也今陛下既不納天下之言又加戮焉夫戴鵲遭害則仁鳥爭遊愚者蒙戮則知士深退聞者愚民上疏多觸不急之法或下廷尉而死者衆自陽朔以來天下以言為諱朝廷尤甚群臣皆順承上旨莫有執正何以明其然也取民之所上書陛下之所善哉下之廷尉廷尉必曰非所宜言大不敬以此卜之一矢故京兆尹王章資質忠直敢面引廷爭孝元皇帝擢之以屬直臣而矯曲朝及至陛下職及妻子且惡惡止其身王章非有反畔之事而殃及家折直士之節結諫臣之舌羣臣皆知其非然不敢爭天下以言為戒國家之大患也願陛下循高祖之軌杜亡秦之路數御十月之歌迄之戒除不急之法下無諱之詔博謀及疏賤令深者不隱遠者不塞所謂辟四門明四目也且不急之法誹謗之徵者也往者不可及來者猶可追方今君命犯而主威奪外戚之權日以益隆陛下不見其形願察其景建始以來日蝕地震以率言之三倍春

秋水災妄興比數陰盛陽微金鐵為飛此何景也漢興以來社稷三危呂霍上官皆母后之家也親親之道全之為右富與之賢師良傳教以忠孝之道今乃尊寵其位授以魁柄使之驕逆至於夷滅此失親親之大者也自霍光之賢不能為子孫慮故權臣易世則危書曰無若火始庸庸勢陵於君權隆於主然後防之亦無及已又言國舅王受事帝俱不納復建三統書曰臣聞不在其位不謀其政政者職也位卑而言高者罪也越職觸罪危言世患雖伏質橫分臣之願也守職不言沒齒身全死之日尸未腐而名滅雖有景公之位伏櫪千駟臣不貪也故願壹登文石之陛涉赤墀之塗當戶牖之法坐盡平生之愚慮無益於時有遺於世此臣懷所以不安食所以忘味也願陛下深省臣言臣聞存人所以自立也聖人所以自塞也善惡之報各如其事昔者秦滅二周夷六國隱士不顧逸民不舉絕三統滅天道是以身危子殺厥孫不嗣所謂聖人以自塞也故武王克殷未下車存五

帝之後封殷於宋紹夏於杞明著三統示不獨有也是以姬姓奉天下邊廟之主流出於戶所謂存人以自立者也今成湯不祀殷人無後陛下繼嗣久微殆為此也春秋經曰宋殺其大夫穀梁傳言其不稱名姓以其在祖位尊之也此言孔子故殷後雖不正統封其子孫以為殷後禮亦宜之何者諸侯尊宗聖庶奪嫡傳曰賢者子孫宜有土而況聖人又殷之後哉昔成王以諸侯禮葬周公而皇天動威雷風著災令仲尼之廟不出闕里今孔氏子孫不免編戶以聖人而歆匹夫之祀非皇天之意也今陛下誠能據仲尼之素功以封其子孫則國家必獲其福又陛下之名與天無極何者追聖人素功封其子孫未有法也後聖必以為則不減之名可不勉哉帝亦不報於是有歸休之志焉乎所謂臣之於君再三諫而不從則逃之此豈虛言哉遂解衣掛冠東都門納官棄妻子去九江恐國舅攝之易姓名為具門市卒以保其身厥後求師慕道訪山採藥多隱名山廣谷之間嘗與張

留侯子房執版唱無生曲以快其情也訪屬蕩諸山即會稽之南也遊南閩入支提山修鍊數年未就為尼所觸憤然曰靈丹九轉愈久愈精何厭成功之晚遂入仙霞山即武夷之東也徬徨乎無人之境逍遙乎塵埃之外猿啼古木虎嘯幽岩有竹曰瘦腰有草名黃芽靈苗異種雖然莫能盡識遂依岩結庵堅心苦志辟穀食松蒸學神仙積有年矣每望閩粵間有紫氣頗異復往建城立壇修鍊未幾一日山色溟濛煙霞滿室瑞氣浮空紫雲蓋覆於山頂天樂聲嘹亮有一神人語福曰空洞仙君至須臾仙樂近仙君臨福拜而迎之仙君曰念子學道志堅吾故下臨授汝外燒內鍊還返大丹之法九老仙都濟世之文汝可擇名山依法修鍊方得成仙言竟而梅君謝焉彩雲散空天樂自鳴仙君乃隱隱而去梅君精視天文數目下山行濟世之法無不靈驗初至雞籠山修鍊被尸鬼相魔次至毛竹洞夜夢神人曰此山非先生修鍊之所遂入演仙山修鍊又為野火所燒繼往玉華山

修鍊昔神人居馬方欲修鍊而羣賊四起次至烏石山修鍊燕婦觸之梅君嘆曰道緣淺薄障魔羣起遂再行濟世之法數年至劍江西嶺修鍊一日祥雲瑞氣覆於山巔開戶視之乃道師空洞君降梅君拜而迎之告道師曰弟子恭依師旨廣行濟世之法遊歷名山修鍊多為魔苦適至於此道師曰汝之道緣在飛鴻山也再授汝八神却魔靈丹乃召二光童子控赤駿白馬於山前君可急乘馬領童至飛鴻山精修成功之日吾當舉汝使汝骨像同昇也言訖道師隱於雲中梅君遂乘馬領童至飛鴻山卓庵修鍊千日神遊體外丹光燭天而道成矣遂開爐出丹一丸祭天天神收之一丸祭地地神護之一丸自服服訖拜謝天地畢地神奏於三官三官奏聞天關言西漢梅福成道於飛鴻山梅君乃乘白馬領童欲回九江二童馬前撫掌吟詩隱於山溪巨石之下須臾紅光射日紫霧漫空甘露天花一時飛降雲中仙樂嘹唳金童持節玉女執麾力士控鷹侍仙捧詔向梅君曰天

關詔下令汝乘鸞上昇梅君拜謝天恩乘馬乘鸞昇天而去白馬墜於水中自後飛鴻山號曰梅仙山是也山之西有陸馬洲三十里有遺鞭著山山之下有登仙里山之東溪有逃童石驂馬渡山之側有甘露源山之後有天花嶺石上有花跡自後鄉人號曰癩石嶺是也至今丹光隱伏猶存山根有梅君道院崇奉香火自後浮屠占之為居址棄仙像塑佛像改名觀音院將梅仙像移入開山堂安奉郡之民相傳只呼梅仙院不從其額其院中有護法五聖公顯靈立廟院側人只呼作梅君廟梅君同其名乃仙聖跡也自漢至今歷二十二丙寅矣自元始中至今貞元二年丙申計壹千二百五十九年不泯矣時依建寧府梅仙堂傳本彼有梅山鍊丹之所故云爾

碑文

梅先生碑

漢成帝時綱紀賴壤先生以書諫天子者再

唐浙江東道觀察使李元卿中丞為書

三夫火政須去而劍履間健者猶數百位尚不能為國家出力以斷佞臣頭復何南昌故吏憤憤於其下得非南昌遠地也尉下僚也苟觸天子網突倖臣牙止於殛一狂人噬一單族而已彼公卿大臣有生殺喜怒之任有朋黨蕃衍之大至於出一言作一事必與妻子謀苟不使其家雖妻人婢子亦攬挽相制而况親戚乎况骨肉乎故雖有憂社稷心亦噤而不吐也烏乎寵祿所以勸功而位大者不語朝廷事是以天下有道則正人在上天下無道則正人在下予讀先生書未嘗不為漢朝公卿恨今南遊復過先生里吁何為道之多也

書梅先生碑陰 大山蕭山明

豐城梅仙山道觀有梅先生碑唐詩人羅隱文也昨觀與碑俱燬道士熊應祥叶力鼎新之碑再立友羅永之來委予書之問之曰君昭諫遠孫揚前人文勤如是為楷書竟思漢事追嘆之烏乎天欲福漢之天下故生一福之賢界之漢棄天福乃棄人之福兩自棄

是自禍也金鐵交飛天無如漢何老鳳變妖漢亦無如新之移漢何為乎失士則亡得士則存存以從諍亡以玩言壯哉氣節貫于乾坤視我泥土藏我瑱璫辭漢去生隱其市門馳跡仙路訴情帝閭泯泯者劉長空無痕永永者梅偏祠共尊祠碑可灰仙道不燬青瑤重鐫可字可捫胎諫有知醒如冰龜子真如生日月不昏

咸淳六年歲次庚午六月朔

書梅先生碑後 小山蕭泰來

讀昭諫碑非惟得先生心抑增先生氣今梅壇在處有之尊其人故多其祠蘇長公有云神在天下如水之在地中無所往而不在耶

宋初詒

尚書省牒

中書省奏尚書省送到祠部奏據太常寺狀准送下鎮南軍奏狀據豐城縣申勘會到宣風鄉南岐里梅仙壇觀委是國家逐年祭醮每遇水旱人民祈禱皆有感應委得詣實州司檢會昨據梅仙壇觀道士楊智遠狀本觀元係漢朝梅福遺跡之所古壇丹井庵基見

存觀宇已是漢代興建名垂典祀乞奏聞賜
真君名號州司所據前項申述切以福之偉
節忠論布在史策可考而見晚避逆莽棄妻
子去九江全性吳市門世傳以為仙今遺跡
具存觀宇嚴飭水旱疾癘有禱即應伏望特
賜寵號以稱遠民祈報之意會到本州自來
只稱呼梅真人當寺參詳漢朝梅福真人加
封申候指揮本都今據太常寺狀伏候勅旨

加封

牒奉勅梅福在漢之際數以孤遠極言天下之事其志壯哉晚而家居讀書養性卒於道俗高蹈世傳為仙今大江之西實存廟像禱祠輒應能澤吾民有司上聞是用錫茲顯號光靈不泯其服朕恩宜特封壽春真人牒至

准勅故牒
元豐五年七月

尚書禮部

勘會近據尚書省送下錄黃鎮南軍豐城縣
梅仙觀漢朝梅福

勅特封壽春真人其勅牒令本觀收掌及差

官往彼精虔祭告及造牌額安掛已符本處
具已施行及收管

勅牒文狀申省去訖今來多日未見回申須
議催促鎮南軍主者詳前去今來符內事理
疾速回申不管准前稽遲符到奉行

十一
二

洪州

元豐五年八月二十三日准本年七月二十九日太常寺牒准尚書禮部符准元豐五年七月十八日尚書省送下畫黃中書省奏尚

當省送到祠部奏據太常寺狀准送下鎮南

單奏狀據豐城縣申勘到宣風南岐里梅仙

壇觀者是國家逐年祭典每遇水旱人民祈

情皆有感應委是諸寶州司檢會昨據壽聖

梅仙觀道士楊智遠狀本觀元係漢朝梅福

遺跡之所古壇丹井庵基見存觀宇乃是漢

代興建名垂典祀乞奏開賜真君名號州司

所據前項中述切以耦之俾節忠論布在史

策可致而知晚避逆莽棄妻子去九江金性

吳市門世傳以爲仙今遺跡具存觀宇嚴饒

水旱疾癘有禱輒應伏望特賜寵號以稱遠
民祈報之意會到本州自來只稱號梅真人
當寺參詳漢朝梅福真人加封中候指揮本
部今據太常寺狀伏候勅旨本月十四日奉
聖旨如前應有合行事件檢會舊例施行奉
勅如右牒到奉行前批已降勅命封號訖七
月十八日未時付禮部依聖旨指揮施行仍
關合屬去處太常寺主者詳畫黃指揮應有
合行事件疾速施行符到奉行牒到請詳前
項尚書禮部符內聖旨指揮施行者

勅梅福在漢朝之際數以孤遠極言天下之
事其志壯哉晚而家居讀書養性卒於遺俗
高蹈世傳為仙今大江之西寶存廟像禱祠
輒應能澤吾民有司上聞是用錫茲顯號光
靈不泯其服朕思宜特封壽真人
元豐五年九月

洪州

所准尚書禮部符內詳畫黃指揮是官位
豐城縣壽聖梅仙壇觀精虔崇告勅封壽
春真人及造牌額安掛其所降到勅牒令
本觀收掌訖具已施行收管文狀申省者

石具上件牌額州司製造用金貼字號已於
今月十九日了當交付本觀道士歸觀及差
人責祭文一道前去外帖豐城知縣張長官
仰照會候到依時尚書禮部符內前項指揮
速便前去本觀精虔祭告及安掛牌額訖具
事狀申州
元豐五年十月十九日

勅朕撫巡狩於南國以豫章為東朝母后率
掖庭而行舟楫冒風波之險凡所經涉必有
護持爰錫褒恩以答神貺洪州豐城大江北
岸梅福昇仙擅觀壽春真人正諫不用高名
獨存憫漢室之不綱去吳市而不返既嚴祠
館亦賜封名茲復益於美稱蓋少敷於新渥
其歆異眷用慰平生可特封壽春更隱真人
奉勅如右牒到奉行
紹興二年閏四月十八日

題詠

梅先生贊

梅仙子真補吏南昌去求假傳愛賁阜囊指
世陳政屬志竭精吳高祖秦斥鳳仲章謂當
察景亡失其柄允矣多士為國重器眾賢聚
朝人斯長忌何以徠之道在砥礪戴鵲遭害

仁鳥增逝母為按圖求購於市爰迷孔商宜
後成湯綿嘉崇德自我推明由鳳及莽遂解
漢網防之無及吾言有微逝將遠遊乘雲帝
卿

題梅仙館

孟水部賓于

仙界路遙雲縹緲古壇風冷葉蕭騷後來宜
合言淹滯一尉昇騰道取高

梅先生故居

黃太史庭堅

吳門不作南昌尉上疏歸來朝市空笑拂巖
花問塵世故人子是國師公

寄梅仙觀楊道師

蘇黃門轍

道師住在真人峯欲往見之路無蹤去年許
我入城市塵埃暗天待不至其往莫來勞我
心道書寄我千黃金買衣肉食慮謀短文字
滿前看不見口傳指授要有時脫去羅網當
見知梅翁漢朝南昌尉千摩龍鱗言世事一
朝拂衣去不還身騎白麟鬚紅鬚我今雖復
墮塵土道師何不與我語他年禁足授名山
相逢拍手一破顏

題梅仙館

楊次公

天下人心愛至忠天心還與世人同自生明
翼三清去不獨丹砂九轉功漢代變名遊越
國道家遺像立蕭公石壇正是飛昇處老鶴
一聲松檜風

題梅仙觀

洪龜父用

炎靈夫其御四海無安枕烏乎梅南昌脫展
元始歲小臣披肝膽官掖事嚴秘上書竟渺
茫棄擲江湖外一朝厥竭角萬里寄鵬背向
來殺青上此事美無對到今瑤池地風露翔
孔翠仰瞻神界遊千載想生氣願為龍鱗嬰
勿學蟬骨蛇

題梅山

陳開

先生更隱寄南昌千里來尋物外仰汲水尚
憐春井深藏丹猶發夜壇光鶴歸華表人何
在犬吠深雲日自長我擬重來訪遺跡手搯
筇杖少徜徉

題梅仙館

朱令粹

書投北闕言無用更隱南昌寄此間身陟九
霄歸紫府名垂千古寄青山夜壇星斗誰瞻
仰曉殿雲煙自往還幾疊高峯人罕到分明

真境異塵寰

乙卯禱雨梅壇

嚴令椿齡

大隱清名格帝閭真人新寵榮王言南昌補
吏官雖小北極通班道更尊疎不容強漢
室仙風聊復傲具門我來物色朝元處山逸
星壇水遶杖

題梅壇

臨川令 呂防

封事悠悠即掛冠蒼煙古木鎖空壇當時不
識蓬萊客祇作南昌一尉看

題梅仙觀

嘗讀子真傳捲簾長嘆如何忠正資適在
元成間危言論時政條暢窮根源直節破姦
膽憤氣衝儒冠上書報罷九九慚齊桓是
時公卿輩曾不為厚顏雄文燦方冊至今日
星壇深機識禍福拂衣九江千一朝棄妻子
變姓抱具關位卑而言高自古為尤難斯人
能保身出處何其艱繫子偶得邑駕言謁仙
壇壇側千丈松凜凜清風還壽春下新詔高
蹈翠琰刊壁間羅隱記中理極可觀當年康
樂公遊覽遍名山云何此佳蹟未被金石言

真人久懷望佇看西飛鶴

題梅仙觀

馬內翰子才

漢綱解宏紐國命移權臣太阿有神鋒顛倒
柄在人公卿雖滿前有語各自吞張禹為帝
師此是禍亂根天子辟左右決機在一言不
為社稷計祇乞兒女恩上方斬馬劍當時負
朱雲谷永對直言天庭策災氛陰謀助元惡
歸咎昭陽嬪豺狼自此縱白晝當路蹲先生
當是時上書叩帝閭耿耿禍福語皎皎星與
辰天門鎖九重一門萬夫屯小臣江湖心何
由達至尊賊莽果盜國忠烈遭烹焚先生變
名姓為卒吳市門浮雲去無蹤世人以為仙
蓬山在何處此事且勿論但愛清風高凜凜
久益新我來拜遺像舊宅荒基存元豐發新
詔玉牒封壽春老松益勁色歲飽霜當痕直
上絕頂壇天風吹衣巾細讀壁間書頗喜羅
隱文恨歎有鯁語使我氣益振四視飽食徒
茫茫如埃塵

寄題梅壇

御史將之奇

昔我承乏江西官像章聖跡無不觀如何復

有此遺恨獨我不到梅仙壇梅仙壇在豐城
界真風爽氣埃塵外當年補射向南昌才譽
雖高官未大漢成帝時綱紀壞先生諫書至
于房前擢王章矯曲朝戮及妻子仇黨快羣
臣知非不敢爭遂令天下言爲戒焉乎此語
誠甚危誠切權強何慷慨借令觸突偉臣牙
嗜一羈單未爲害公卿大臣噤不吐彼爲私
謀安足怪正人在下吁可悲變名吳市復誰
知元豐勅書爲旌表故庵丹井存遺基壽春
真人錫顯號稱其高蹈與俗遺先生雖不遇
於昔而遇於今蒙獎飭令丞作書譽忠直潛
德幽光輝無極

題梅山

天師張景先

作尉南昌日投書北闕頗忠言不悟主直節
恥爲臣漢室多災異具門念隱淪掛冠忘寵
辱蒙袂出埃塵虹屈英雄氣鷗羣自在身永
懷三洞訣高謝九江春擇地開仙館看雲剪
毒巾玄臺秋步月虛室夜凝真無事生芳草
留年養大椿碧苔香不斷青馬性偏馴太液
刀圭就中黃道路新武夷空墜馬郁木竟棲

神祿節雖朝帝靈波高濟民一石傳舊史千
古事嚴裡瑞氣生仙藥清風付羽人壇遺金
鼎像并鎮玉華津地接洪崖府溪通劔水濱
鶴歸雲杳撒龍起石麟皴已悟身爲患元期
德有隣青山不忘我今日是天親

題梅山

范仲淹

袖襟推姦劔拂霜奈何不報疏三章南昌一
尉孤忠日西漢諸王百沸湯便覓赤松爲伴
去何求青史把名揚想疑九轉丹成後憤吐
精衷訴玉皇

說到神仙事渺茫壽春亘古此靈場松邊白
隱千年鶴嶺外紅拖幾夕陽霞馭月寒時弄
影斗壇風冷夜聞香先生不必真人號自與
乾坤共久長

題梅仙觀

陳義一

進了忠言隱姓名萬年香火此山靈可憐沉
醉功名者血染成陽喚不醒

題梅壇

左蜀王時彦

梅尉孤忠揭芳名千古傳官早真意隱心正
即神仙敢諫憂時切爲臣願主賢旌旌陽稱令